

文淵閣
四庫全書
電子版



【子部】



產育寶慶集



迪志文化出版有限公司 出版
迪志文化出版有限公司為宜高科技集團成員

《文淵閣四庫全書電子書：產育寶慶集》

出版：迪志文化出版有限公司
地址：香港中環皇后大道中99號中環中心29樓
電話：(+852) 2735 1263
傳真：(+852) 2730 8686
網址：<http://www.dheritage.com>
電郵：dvm.customer@dvm.com.hk
客戶服務熱線：(+852) 2302 3043

2001年7月初版

版權所有，請勿翻印

Copyright (C) 2000 Digital Heritage Publishing
All rights reserved. No part of this book shall be reproduced, stored in a retrieval system, or transmitted by any means, electronic, mechanical, photocopying, recording, or otherwise, without written permission from the publisher.

迪志電子書坊

下載電子書，訂購 Print On Demand 版本，請瀏覽迪志電子書坊。

網址：<http://www.digiebooks.com>

欽定四庫全書

子部五

提要

產育寶慶方二卷

醫家類

臣等謹案產育寶慶方二卷不著撰人名氏

宋史藝文志以為郭稽中撰考陳振孫書錄

解題稱濮陽李師聖得產論二十一篇有說

無方醫學教授郭稽中為時良醫以方附諸

論末遂為完書則稽中特因師聖所得舊本

欽定四庫全書

產育寶慶集
提要

增以新方非所自撰宋史所載似未見陳氏

說也然稽中所增合原論共為一卷與此本

不合以卷首諸序考之蓋括蒼陳言撰三因

方嘗取其方論各評得失婺醫杜蒧因採所

評附入各條之下後趙瑩得產乳備要增以

楊子建七說合於產論為一集有冀致君者

又掇御藥院雜病方論及入月產圖體玄子

借地法安產藏衣方位綴于其末是輾轉增

欽定四庫全書

產育寶慶集
提要

益已非郭氏之舊特沿其舊名耳其書世罕

傳本今載於永樂大典者得論二十一陳言

評十六方三十四為一卷產乳備要暨經氣

妊娠等證方六十二為一卷其體玄子借地

法永樂大典佚不載今亦闕焉按胎教之法

古人所重賈誼新書所引青史之說劉向列

女傳所記太任育文王之事尚可見其崖畧

惟產育方藥則罕專書唐書藝文志有胥殷

產寶一卷始別立一門今其書不傳則講妊

育者當以是書為最古矣卷中惟陳言之論

標識姓名餘皆不標為誰說今以原本體例

推之上卷之方皆出郭氏下卷婉乳安產經

氣三條外殆即楊氏之說所附方藥殆即冀

致君所採御藥院方也陳言有三因方已著

錄楊子建名佚有楊氏家藏方今未見李師

聖等皆南宋人冀致君序稱諸人為宋儒又



稱近在燕趙間盖元人云乾隆四十六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

產育寶慶集
提要

原序

人有一念之善可以動天地感鬼神至其充大之則利益於世奚有限量人惟溺於私欲雖有善念爾汝其心差殊其見畦畛其用險隘偏小不足觀矣趙君德修公族之賢者其為人也用心平處已正議論不阿曲事無纖巨一歸於是每念貧而病者艱於得藥惠施周急常恐不及非吉人為善惟日不足者乎今又取諸家產方之得效者集為一編鋟木廣施善念之充若火之然若

欽定四庫全書

產育寶慶集
原序

泉之達莫之能禦則是方一出見者用者活者將不可勝計其利溥哉與世之有藥而不施施藥而秘其方者天淵矣劉四垣序

右產育寶慶集方郭稽中纂李師聖作序于山甫印施余始宦歷陽而師聖憲淮西山甫時侍因得數帙始置篋笥未窺其妙洎余室家蓐中不豫初苦寒熱殆如瘧狀及閱此方得其增損四物湯適中其病製之以服至再而愈嘗復苦腹痛瀉痢又得第十論調中湯服之不



再而頓止異時辱後復苦痞悶咽乾因詰其證果復渴甚中夜得見覲丸方待旦置藥旋成纔服既噫已安矣自是余家頗神此方往往因人傳授及付以方無不獲效頃在泚訪表舅李師禮及門且久聞妾在蓐方病危篤嘔吐脹滿粥藥不下因語此方遍索之不得德邵兄領學事准右聞之遍令公皂購之始得印本于醫家乃李憲攝帥日施於郡人者也尋得大聖散合成姑試服而不嘔良久與粥凡三服而無恙師禮以為神亟欲鏤板但未得其全本余欲刊施而未暇近以海陵親戚間有患崩中不止者須臾眼黑眩暈殆至悶死時篋中偶有清魂散急遺灌之良久稍蘇再進遂安益信此方之妙無不獲效者中間止餘一帙以嘉禾相知借去遂亡其本每以為恨後十餘年與山甫相遇都城時方在圍中雖憂惴百不暇及首詢此板屬以居相近因得印之復以此本遺山甫因書於後王晉序

婦人產育雖曰常事其實甚危調護或失其宜藥石或

欽定四庫全書

產育寶慶集
原序



迪志文化出版有限公司出版

乖其用則為害不細此前輩所以諄諄於方論之間也余友人得產乳備要乃盱江傅君教授常刊於澧陽郡庠因以家藏書本稍加校正增以楊子建七說并產論同為一集鋟木以廣之庶幾有補於萬一云趙瑩序

醫家者流嘗謂寧治百男子不治一婦人况產婦乎蓋療產婦之證為難而產前之證尤難胎氣既成世之人徒知以十月為產期而不知有過期之產者宋儒已論之詳矣亦謂之常而不謂之變甚哉異人異書之為可重此產育寶慶之書所以增廣其傳也書既刊行德修命題其後余憮然曰是書之出無患其不傳吾聞君子居其室出其言善則千里之外應之今子處獨善之時而有兼善之心不其大矣乎將見不期應而應之至是可喜也寓齋老人序

山野草澤間苦無素業醫流妙手產媼是書足以備一時緩急之用觀此前序足見其人矣頤齋老人題

妊娠之理內經定以十月為正產者尚矣間有過期者

欽定四庫全書

產育寶慶集
原序



迪志文化出版有限公司出版

蓋古之賢聖之生如此然聞其語未見其人也比年以來姪之過產者遠者不得而知近在燕趙間時復有之方姪之初也信其為姪及其過產則反疑其非姪也問之產媼則曰未之見也問之名醫則曰出月出月者貴問之方士則曰妖也以妖治之問之庸醫則曰病也以病治之二者俱失至有子母俱不救者既而方知其姪也雖悔其可追耶余聞之甚可悼矣恨無可考之方以破其惑也一日過醫公李寧之家示一書曰產育寶慶

欽定四庫全書

產育寶慶集
原序

集披讀一二蓋宋儒李師聖郭稽中楊子建輩之所編集至生產篇云婦人懷胎有七月八月九月至十月而產者亦有經一年至二年三年四年五年而後產者蓋人之生陰注陽定自有時日不可改移今獨限以十月似為未盡讀不終篇不覺屢歎惜乎此書在世希有若能廣傳使天下共知人生安得罹殤夭之禍乎意謂婦人方經雖多而產書難其全者若是一或廢失世間必不復有也因問誰氏之書公曰外郎楊士表所秘藏也輒



迪志文化出版有限公司出版

親往謁告以情實求之忻然見許遂得原書印本方議刊行公曰此止一產書也若更將御藥院雜病方論并入月產圖體玄子借地法安產藏衣方位附之合為一集可為完書矣余喜從之猶恐有錯謬未盡者更命諸名醫復加校正余謂公曰書則完矣病如之何參謀周德甫聞之毅然贊成遂命工刊行自今以始庶令姪婦得安產媼無失家自可以修藥人自可以為醫來者可知而傳之愈廣矣莫致君序

欽定四庫全書

產育寶慶集
原序

余收產論二十一篇議論精確無所不究蓋國醫博士極方書所得之妙惜乎其說而無其方郭君稽中為時良醫尤長於治產故其切脉用藥屢獲奇效一日願以所收家方附於諸論之末遂為完一真集益濟衆之異書也古人謂為人子而不學醫者為不孝則有方論而不傳於世者其可謂之仁哉李師聖序



迪志文化出版有限公司出版

欽定四庫全書

產育寶慶集目錄

卷上

產論二十一篇

評十六篇

卷下

產乳備要

產圖

欽定四庫全書

產育寶慶集
目錄

方論



迪志文化出版有限公司出版

欽定四庫全書

產育寶慶集卷上

宋 李師聖等 編

第一論曰熱疾胎死腹中者何答曰因母患熱疾至六七日以後藏府極熱薰灼其胎是以致死緣兒身死冷不能自出但服黑神散煖其胎須臾胎氣溫煖即自出何以知其胎之已死但看產婦舌色青者是其驗

黑神散

桂心 當歸 芍藥 甘草 乾薑

欽定四庫全書

產育寶慶集
卷上

生地 各一兩 黑豆 炒去皮 附子 炮去皮

右為末每服二錢空心溫酒調下一法無附子有蒲黃

陳言評曰夫妊娠謂之重身二命係焉將理失宜皆能損胎不特病薰灼所致或因傾仆驚恐出入觸胃及素有癥瘕積聚壞胎最多候其舌青即知子死養胎論云面青舌赤母死子生青唇吐涎子母俱死又有雙懷二胎或一死一活其候尤難知是非臨期觀



迪志文化出版有限公司出版

變未易預述不可不備述也然以黑神散溫胎未若補助產母使其氣正免致虛乏困頓胎自下矣催生丹殊勝黑神散

催生丹 治胎死腹中或產母氣乏委頓產道乾澀

蒼朮 米泔浸二兩 桔梗 一兩 陳皮 六錢 白芷 桂心

乾薑 炮 厚朴 製 南星 炮 附子 炮去臍

半夏 湯洗七次 茯苓 芍藥 各二兩 杏仁 炒去尖

阿膠 錢五分 川芎 錢半 枳殼 錢四分

欽定四庫全書 產育寶慶集 卷上

南木香 一錢 甘草 三錢 當歸 川烏頭 炮去皮尖

右為末每服一大錢溫酒下覺熱悶用新汲水調

白蜜服

第二論曰難產者何答曰胎側有成形塊呼為兒枕子欲生時枕破與敗血裹其子故難產但服勝金散逐其敗血即自生若逆生橫生並皆治之

勝金散

麝香 一錢 鹽鼓 一兩用舊青布裏了燒令通紅急以乳槌碎為末



迪志文化出版有限公司出版



迪志文化出版有限公司出版

右共為末取秤槌燒紅以酒淬之調下藥一錢七陳言評曰產難不只胎側有兒枕破與敗血裹凝隨其胎息因緣自有難易其遇橫逆多因坐草太早努力過多兒轉未逮或已破水其血必乾致胎難轉若先露脚謂之逆先露手謂之橫法當以微針刺之使自縮入即服神應黑散以固其血必自轉生養生方云倉皇之間兩命所係不可不廣傳蓋贊黑散之功也或以鹽搽兒脚底抓搔之

欽定四庫全書 產育寶慶集 卷上

神應黑散 治橫生逆生難產

百草霜 香白芷 各等分

右為末每服二錢童子小便好醋各一茶脚許調勻更以沸湯浸四五分服止一服見功甚者再服即分娩矣一名烏金散

第三論曰胎衣不下者何答曰母生子訖血流入衣中衣為血所脹是故不得下治之稍緩脹滿腹中以次上衝心胃疼痛喘急者難治但服奪命丹以速去衣中之

血血散脹消胎衣自下而無所患

奪命丹

附子

半兩炮
去皮臍

牡丹皮

一兩

乾漆

一分搗碎
炒烟盡

右為末釀醋一升大黃末一兩同熬成膏和藥丸如

桐子大溫酒下五七丸不以時

牛膝湯 治產兒已出胞衣不下臍腹堅脹急痛甚

及子死腹中不得出

牛膝

酒浸

瞿麥

各四兩

滑石

八兩

當歸

酒浸

欽定四庫全書

產育寶慶集
卷上

木通

各六兩

葵子

五兩

按陳言第三論評缺

第四論曰產後血暈悶者何答曰產後氣血暴虛未得

安靜血隨氣上迷亂心神故眼前生花極甚者令人悶

絕不知人口噤神昏氣冷醫者不識呼為暗風若作此

治之病必難愈但服清魂散即省

清魂散

澤蘭葉

人參

各一分

荊芥穗

一兩

川芎

半兩



迪志文化出版有限公司出版

右為末溫酒熱湯各半盞調一錢急灌之下咽即開

眼氣定省人事

陳言評曰產後眩暈頃刻害人須量虛實為治若胃

中宿有痰飲阻病不除產後多致眩暈又血盛氣弱

氣不使血逆而上攻此等皆非清魂可療仍用半夏

茯苓湯血壅須用牡丹皮散但駛藥尤難輒用當識

輕重所謂擾乎可擾擾亦無擾若氣血平人因去血

多致暈者芎藭湯尤佳

欽定四庫全書

產育寶慶集
卷上

半夏茯苓湯

半夏

湯洗三兩

茯苓

熟地各一兩

陳皮

細辛

蘇葉

川芎

人參

芍藥

桔梗

甘草

各六錢

右咬咀每服四大錢水二盞薑七片煎七分去渣

空心服有客熱煩渴生口瘡者去陳皮細辛加前

胡知母腹冷下利者去地黃入桂心炒胃中虛熱

大便秘小便澇加大黃一兩八錢去地黃加黃芩

六錢



迪志文化出版有限公司出版

牡丹皮散 治產後血暈悶絕狼狽若口噤則須拗

開灌之必效

牡丹皮 大黃_蒸 芒硝_{各一兩} 冬瓜子_{半合}

桃仁_{三十七粒去皮尖}

右咬咀每服五錢水三盞煎至一盞半去渣入芒硝

再煎分二服欲產先煎下以備緩急金匱以此治

腸癰但分兩少異

芎藭湯_{方見第三十三論}

欽定四庫全書 產育寶慶集 卷上

第五論曰產後口乾痞悶者何答曰產後榮衛大虛血

氣未定食麪太早胃不能消化麪毒結聚於胃脘上薰

胃中是以口乾煩渴心下痞悶醫者不識認為胃膈壅

滯以藥下之萬不得已但服見睨丸

見睨丸

薑黃 京三稜 華澄茄 陳皮_{去白} 高良薑

人參 蓬莪茂

右七味等分為末用細切蘿蔔漫火煮令爛研細將

汁煮糊丸桐子大蘿蔔湯下三十丸不以時

陳言評曰產後口乾痞悶未必只因食麪或產母內

積憂煩外傷躁熱飲食甘辛使口乾痞悶當隨其所

因調之可也心煩宜四物湯去地黃加人參烏梅煎

若外傷燥熱看病何經當隨經為治難以備舉飲食

所傷見睨丸却能作效_{四物湯方見第六論}

第六論曰產後乍寒乍熱者何答曰陰陽不和敗血不

散皆令乍寒乍熱產後血氣虛損陰陽不和陰勝則乍

欽定四庫全書 產育寶慶集 卷上

寒陽勝則乍熱陰陽相乘則或寒或熱若因產勞傷藏

府血弱不得宣越故令敗血不散入於肺則熱入於脾

則寒醫人若誤作瘧疾治之則繆矣陰陽不和宜增損

四物湯敗血不散宜奪命丹又問二者以何別之答曰

時有刺痛者敗血也但寒熱無他證者陰陽不和也增

損四物湯不一皆隨病加減

增損四物湯

當歸 人參 芍藥 川芎 炮薑_{各一兩} 甘草_{炙四錢}



右咬咀每服四錢水一盞薑三片煎六分去渣熱服
奪命丹 方見第三論

陳言評曰乍寒乍熱榮衛不和難以輕議若其敗血不散豈止入脾肺二臟耶大抵一陰閉一陽即作寒熱陰勝故寒陽勝故熱只可云敗血循經流入閉諸陰則寒閉諸陽則熱血氣與衛氣解則休遇再會而復作大調經散五積散入醋煎佳

大調經散 治產後血虛惡露未消氣為敗濁凝滯

欽定四庫全書 產育寶慶集 卷上

榮衛不調陰陽相乘憎寒發熱或自汗或腫滿皆氣血未平之故也

大豆 炒去皮一兩半 茯神 一兩 真琥珀 錢一

右為末濃煎烏頭紫蘇湯下

五積散 治感寒濕與脾胃氣閉腰腹痛及有積聚

蒼朮 米泔浸一宿廿兩 桔梗 十兩 陳皮 六兩 白芷

甘草 炙 當歸 各二兩 川芎 半兩 芍藥

白茯苓 半夏 湯去滑各一兩 麻黃 去節春夏二兩秋冬三兩

乾薑 春夏三兩秋冬四兩 厚朴 薑製炒二兩 枳殼 桂 分兩原缺

右先將前十二味咬咀微炒令香取出當風涼之入後枳殼桂朴三味同為細末每服三錢水一盞薑三片棗二枚煎七分食前溫服產婦陣踈難產經二三日不生胎死腹中或產母氣乏委頓產道乾澀加順元散水七分酒三分煎相繼兩服氣血內和即瘥胎死者不過三服當下其順元散量產母虛實加減

欽定四庫全書 產育寶慶集 卷上

順元散

烏頭 炮去皮尖二兩 附子 炮去皮尖 天南星 炮各一兩

木香 半兩

右為末同前法煎此藥治內外感寒脉沉伏遲細手足冷毛髮恟慄傷寒陰證大啜一二杯氣和汗出即愈

第七論曰產後四肢浮腫者何答曰產後敗血乘血停積於五臟循經流入於四肢流淫日深却還不得腐壞



如水故令四肢面目浮腫醫人不識便作水氣治之凡治水流多用導水藥極能虛人夫產後既虛又以藥虛之是為重虛往往多致夭枉但服調經散血行腫消即愈

調經散

沒藥

研另

琥珀

研另

桂心

赤芍

當歸

各一錢

細辛

麝香

半錢

另研各

右為末每服半錢七生薑汁溫酒各少許調勻服

欽定四庫全書



產育寶慶集
卷上

陳言評曰產後浮腫多端有自懷孕腫至產後不退者有產後失於將理外感風寒暑濕內作喜怒驚憂血與氣搏留滯經絡氣分血分不可不辨要當隨所因脉證治之宜得其情調經散治血分固效但力淺難憑不若吳茱萸湯枳實湯奪魄散大調經散皆要藥也
加減吳茱萸湯 治婦人藏氣本虛夙挾風冷胃膈滿痛腰脇絞刺嘔吐惡心飲食減少身面虛浮惡寒

戰慄或泄利不止少氣羸困及因生產藏氣暴虛邪冷內勝宿疾轉甚

吳茱萸

湯洗七次
炒一兩半

桔梗

乾薑

炮

甘草

炙

麥冬

去心
防風

細辛

當歸

酒洗
炒

半夏

湯洗七次

茯苓

丹皮

桂心

各半兩

右咬咀每服四錢水一盞半煎七分去渣空心熱服

服

枳實湯 治心下堅大如盤邊如旋盤水飲所作名

欽定四庫全書



產育寶慶集
卷上

曰氣分

枳實

麸炒去瓢
一兩半

白朮

一兩

右咬咀每服四錢水盞半煎七分去渣溫服腹中

軟即散

奪魄散 治婦人產後虛腫喘促利便則愈

生薑

取汁

白麪

各三兩

半夏

七個湯洗去滑

右以薑汁搜麪裹半夏為七餅子炙焦熟為末熱

水調一錢小便利為效



大調經散 最治產後腫滿喘急煩渴小便不利
方見

第六
論

第八論曰產後乍見鬼神者何答曰心主身之血脉因產傷耗血脉心氣則虛敗血停積上干於心心不受觸遂致心中煩躁起卧不安乍見鬼神言語顛倒醫工不識呼為風邪如此治之必不得愈但服調經散每服加生龍腦一捻得睡即安

調經散

方見第七
論

欽定四庫全書

產育寶慶集
卷上

按陳言第八論評缺

第九論曰產後不語者何答曰人心有七孔三毛產後血氣弱多致停積敗血閉於心竅神志不能明了又心氣通於舌心氣閉塞則舌亦強矣故令不語如此但服七珍散

七珍散

人參 石菖蒲 川芎 熟乾地黄

各一兩

細辛

錢一

防風

硃砂

研各半兩



迪志文化出版有限公司出版

右為末每服一錢薄荷湯調下不以時

按陳言第九論評缺

第十論曰產後腹痛又瀉利者何答曰產後腸胃虛怯寒邪易侵若未滿月飲冷當風乘虛入流於盲膜散於腸脇故腹痛作陣或如錐刀所刺流入大腸水穀不化洞泄腸鳴或下赤白胠脇脹或走痛不定急服調中湯立愈若醫者以為積滯攻之則禍不旋踵謹之

調中湯

欽定四庫全書

產育寶慶集
卷上

良薑

當歸

桂心

芍藥

附子

炮

川芎

各一兩

甘草

炙半兩

右咬咀每服三錢匕水三盞煎一盞去渣熱服

陳言評曰產後下利非止一證當隨所因而調之既云飲冷當風何所不至寒熱風濕本屬外因喜怒憂思還從自性况勞逸饑飽皆能致病若其洞泄可服調中赤白帶下非此能愈各隨門類別有正方今錄桃膠散白頭翁湯以備用餘從帶下門中選用之



迪志文化出版有限公司出版

沉香桃膠散 治產後利下赤白裏結後重疔刺疼痛等證

桃膠 瓦上焙乾 沉香 蒲黃 紙隔炒各等分

右為末每服二錢陳米飲調下空心服

白頭翁湯 治產後下利虛極

白頭翁 甘草 阿膠 各二兩 黃連 蘘皮 去粗皮

秦皮 去粗皮各三兩

右呔咀每服四錢水一盞半煎七分去渣空心服

欽定四庫全書 產育寶慶集 卷上

第十一論曰產後遍身疼痛者何答曰產後百節開張血脉流走遇氣弱則經絡肉分之間血多留滯累日不散則骨節不利筋脉引急故腰背不得轉側手脚不能動搖身熱頭痛也若醫以為傷寒治之則汗出而筋脉動惕手足厥冷變生他病但服趁痛散以默除之

趁痛散 牛膝 當歸 桂 去皮 白朮 黃耆 獨活

生薑 各半兩 薤白 甘草 各一分

右為粗末每服兩半水五盞煎至二盞去滓熱服一盞

陳言評曰趁痛散不特治產後氣弱血滯兼能治太陽經感風頭疼腰背痛自汗發熱若其感寒傷食憂恐驚怒皆致身疼發熱頭痛况有蓐勞諸證尤甚趁痛散皆不能療不若五積散入醋煎用却不妨 五積方見

第六論

第十二論曰產後大便秘澀者何答曰產卧水血俱下

欽定四庫全書 產育寶慶集 卷上

腸胃虛竭津液不足是以大便秘澀不通也若過五六日腹中悶脹者此有燥糞在藏府以其乾澀未能出耳宜服麻仁丸以津潤之若誤以為有熱而投以寒藥則陽消陰長變動百出性命危也

麻仁丸

麻仁 研 枳殼 炙 人參 大黃 各半兩

右為末鍊蜜丸梧桐子大空心溫湯下二十九未通加丸數



陳言評曰產後不得利利者百無一生去血過多藏燥大便秘澀澀則固當滑之大黃似難輕用惟蔥涎調蠟茶為丸復以蔥茶下之必通

阿膠枳殼丸 治產後虛羸大便秘澀

阿膠 枳殼 剉炒去
瓢等分

右為末蜜丸如梧子大別研滑石為衣溫酒下二十丸半日來未通再服

第十三論曰產後血崩者何答曰產卧傷耗經絡未得

欽定四庫全書

產育寶慶集
卷上

平復而勞役損動致血暴崩下淋瀝不止或因鹹酸不節傷蠱榮衛氣衰血弱亦變崩中若小腹滿痛肝經已壞為難治急服固經丸以止之

固經丸

艾葉 赤石脂 補骨脂 炒 木賊 各半
兩

附子 一枚 炮
去皮臍

右為末陳米飲和丸桐子大食前溫酒下二十九米

飲亦得

陳言評曰血崩不是輕病况產後有此是謂重傷恐不止鹹酸不節而能致之多因憂驚恐恚藏氣不平或產後服斷血藥早致惡血不散鬱滿作堅亦成崩中固經丸似難責效不若大料煮芎藭當歸加芍藥湯候定續次隨證合諸藥治之為得

芎藭散 治產後去血過多暈悶不省及傷胎去血多不止懸虛心煩眩暈頭重目昏耳聾舉頭欲倒諸證

芎藭 當歸 洗去土焙
乾各等分

欽定四庫全書

產育寶慶集
卷上

右判為散每四錢水一盞半煎七分去渣熱服

第十四論曰產後腹脹悶滿嘔吐不定者何答曰敗血散於脾胃脾受之不能運化精微而成腹脹胃受之則不得受納水穀而生吐逆醫者不識若以尋常治脹止吐藥療之病與藥不相干轉更傷動正氣疾愈難治但服抵勝湯必瘥

抵勝湯

赤芍藥 半夏 湯洗
七次 澤蘭葉 人參 陳皮 各二
錢



甘草 錢 灸一

右咬咀作一劑水三碗薑半兩煎至兩盞去渣服

按陳言第十四論評缺

第十五論曰產後口鼻黑氣起及鼻衄者何答曰陽明者經脉之海起於鼻交頤中還出挾口交人中左之右之左產後氣消血散榮衛不理散亂入於諸經却還不得故令口鼻黑起及變鼻衄此緣產後虛熱變生此疾其疾不可治名曰胃絕肺敗不出方

欽定四庫全書

產育寶慶集
卷上

按陳言第十五論評缺

第十六論曰產後喉中氣急喘者何答曰榮者血也衛者氣也榮行脉中衛行脉外相隨上下謂之榮衛因產所下過多榮血暴竭衛氣無主獨聚於肺中故令喘也此名孤陽絕陰為難治若惡露不快敗血停凝上薰於肺亦令喘急如此但服奪命丹血出喘息自定

奪命丹 方見第三論

陳言評曰產後喘急固可畏若是敗血上薰於肺猶



迪志文化出版有限公司出版



迪志文化出版有限公司出版

可責效奪命丹若感風寒或因憂怒飲食鹹冷等奪

命丹未可均濟況孤陽絕陰乎若榮血暴絕宜大料

煮芎藭湯亦自可救傷風寒宜旋覆花湯性理鬱發

宜小調經散用桑白皮杏仁煎湯調下傷食宜見睨

丸五積散

見睨丸見第五論五積散見第六論芎藭湯見第十三論小調經散缺或即第七論

中調經散

旋覆花湯 治產後傷感風寒暑濕欬嗽喘滿痰涎

壅塞坐卧不安寧

欽定四庫全書

產育寶慶集
卷上

旋覆花 赤芍藥 半夏麴 前胡 麻黃 去根節

荊芥穗 五味子 甘草 炙 茯苓 杏仁 各等分

右咬咀每服四錢水一盞半薑五片棗一個煎七

分去渣空心服

第十七論曰產後中風者何答曰產後五七日內強力下床或一月之內傷於房室或懷憂發怒擾蕩冲和或因着灸傷動藏府得病之初眼澀口噤肌肉攣搐以漸腰脊筋急強直者不可治此乃人作非偶爾中風所得

也

陳言評曰問產後中風風是外邪血虛則或有中之者宜答以人作不可治問答不相領解如何開示後人立論之難有如此者若是中風當以脉辨看有何藏依經調之強力下床月內房室憂愁着灸非因風類蓐勞性氣火邪治各有法非產後病不暇繁引學者識之

第十八論曰產後心痛者何答曰心者血之主人有伏

欽定四庫全書

產育寶慶集
卷上

宿寒因產大虛寒搏於血血凝不得消散其氣逆上衝繫於心之絡脉故心痛但以大巖蜜湯治之寒去則血脉溫而經絡通心痛自止若誤以為所傷療之則虛極寒益甚矣心絡寒甚傳之正經則變為真心痛朝發夕死夕發朝死藥不可輕用如此

大巖蜜湯

熟地

當歸

獨活

吳茱萸

湯泡

乾薑

炮

芍藥

桂心

甘草

炙

小草

各一兩

細辛

半兩



迪志文化出版有限公司出版

右剉為散每服半兩水三大盞煎至一盞去渣微熱服

陳言評曰產後心痛雖非產蓐常病庸或有之凡痛未必便是血痛設是巖蜜湯豈可用熟地黃等藥泥血安能去痛此方本出千金用生乾地黃吳茱萸一升合准五兩乾薑三兩細辛治陳寒在下焦方本一兩却減作半兩制奇制偶量病淺深自有品數不可妄意加減然以巖蜜湯治血痛不若失笑散用之更

欽定四庫全書

產育寶慶集
卷上

效

失笑散 治心腹欲死百藥不效服此頓愈

五靈脂

蒲黃

微炒各等分

右為細末先用釀醋調二錢熬成膏入水一盞煎七分食前熱服

第十九論曰產後熱悶氣上轉為脚氣者何答曰產卧血虛生熱復因春夏取涼過多地之蒸濕因足履之所以著而為脚氣其狀熱悶掣癢驚悸心煩嘔吐氣上皆



迪志文化出版有限公司出版

其候也服小續命湯兩三劑必愈若醫者誤以逐敗血藥攻之則血去而疾益增劇

小續命湯

麻黃

湯去節泡

防己

人參

黃芩

桂心

甘草

炙

白芍

川芎

各一兩

杏仁

一兩泡去皮尖炒

附子

一枚去皮臍炮

防風

半兩

右剉為散每服四大錢水一盞半薑七片棗二個煎

七分去渣不拘時服

欽定四庫全書



產育寶慶集
卷上

陳言評曰脚氣固是常病未聞產後能轉為者往往讀千金見產婦多此疾之語便出是證文辭害意可槩見矣是熱悶氣上如何令服續命湯此藥本主少陽經中風非均治諸經脚氣須要依脚氣方論陰陽經絡調之此涉專悶門未易輕論既非產後要病更不繁引

第二十論曰產後汗出多而變痙風者何答曰產後血虛肉理不密故多汗因遇風邪搏之則變痙風也痙者



迪志文化出版有限公司出版

口噤不開背強而直或發癇狀搖頭馬鳴身反折須臾十發氣息如絲宜速斡口灌小續命湯稍緩即汗出如雨手拭不及者不可治

小續命湯

見第九論

陳言評曰產後汗出多變痙痙亦令服續命湯此又難信既汗多如何更服麻黃官桂防己黃芩輩不若大豆紫湯為佳太醫局方大聖散亦良藥也

大豆紫湯 治中風頭眩惡風治汗吐冷水及產後

欽定四庫全書



產育寶慶集
卷上

有病中風痺痙背強口噤直視煩熱

獨活

一兩半

大豆

半升

酒

三升

右先浸獨活煎一二沸別炒大豆極焦烟出急投酒密封候冷去豆每服一二合許得少汗則愈日數十服此藥能去風消血結如妊娠拆傷胎死腹中服此得瘥

大聖散

方缺

第二十一論曰產後所下過多虛極生風者何答曰婦人以榮血為主因產血下太多氣無所主唇青肉冷汗



迪志文化出版有限公司出版

出目眩神昏命在須臾此但虛極生風也如此急服濟
危上丹神良若以風藥治之則誤矣

濟危上丹

乳香 五靈脂 硫黃_研 大陰玄精石_研

陳皮_{白去} 桑寄生 真阿膠_搗 卷柏_{生等}

右將上四味同研匀石器內微火上炒勿令焦再研
極細後入餘藥末用地黃汁糊丸梧桐子大產後溫
酒下二十九丸當歸酒亦得

欽定四庫全書 產育寶慶集 卷上

陳言評曰所下過多傷損虛竭少氣唇青肉冷汗出
神昏此皆虛脫證何以謂之生風風是外淫必自感
冒中傷經絡然後發動藏府豈能自生風也風虛之
說蓋因脉經云浮為風為虛此乃兩病合說在人迎
則為風在氣口則為虛後學無識便謂風虛是一病
謬濫之甚學者當知



迪志文化出版有限公司出版

欽定四庫全書

產育寶慶集卷下 宋 李師聖等 編

產乳備要

婉乳大故方書浩博自非素習誰能適從危殆之間頗
艱應用今採摭諸方論中將護要法及預備經效要用
湯藥名曰產乳備要務從簡易以救倉卒

凡產婦合要備急湯藥並須預先修合題號恐臨時倉
卒難致臨月慎勿多飲酒即依產圖方位擇深靜房室

欽定四庫全書 產育寶慶集 卷下

入月一日即貼借地法於房內北壁薰令香潔

安產藏衣方位 此與太平聖惠方同但彼以
支言而此以干言故兩存之

正月丙位安產吉 壬位藏衣吉 丁天德藏衣吉

二月甲位安產吉 庚位藏衣吉 坤天德藏衣吉

三月壬位安產吉 丙位藏衣吉 壬天德藏衣吉

四月庚位安產吉 甲位藏衣吉 辛天德藏衣吉

五月丙位安產吉 壬位藏衣吉 乾天德藏衣吉

六月甲位安產吉 庚位藏衣吉 甲天德藏衣吉



迪志文化出版有限公司出版

七月壬位安產吉	丙位藏衣吉	癸天德藏衣吉
八月庚位安產吉	甲位藏衣吉	艮天德藏衣吉
九月丙位安產吉	壬位藏衣吉	丙天德藏衣吉
十月甲位安產吉	庚位藏衣吉	乙天德藏衣吉
十一月壬位安產吉	丙位藏衣吉	巽天德藏衣吉
十二月庚位安產吉	甲位藏衣吉	庚天德藏衣吉
凡欲生產切不得喧鬧產婦房門常須關閉選一年高性和善產婆又選穩審謹慎家人一兩人扶持切不用		
揮霍致令產婦憂恐又忌閑雜外人喪孝穢濁之人瞻視若不慎之定是難產小兒若於腹中痛來但令扶行或行不得且立候行得便行或痛作陣眼中如火生此是兒回轉即進琥珀散一服直至行不得即扶上蓐草務要產婦惜力或心中熱鬧取白蜜一匙新汲水調下或未解即吞生雞子一枚		
琥珀散 治產後惡血不盡結聚小腹疼痛		
琥珀	當歸	沒藥
兩半	三分	半斤
微炒		

青橘皮	兩半	湯浸	赤芍藥	兩半	木香	兩半
桂心	兩半	香附子	兩一			
右藥搗細為散不計時候以豆淋酒調下一錢若產後心空但時與琥珀散一服或煎芍藥湯進之更不用他治常進溫粥慎勿與熱食熱食則滯血或三五日內但覺腹中癢痛兒枕未定即進定痛散二服						
芍藥湯	治產後因血不快利氣上攻心腹疼痛					
芍藥	二兩	黃耆	剉	白芷	人參	芎藭
生乾地黄	焙	甘草	炙各一兩	白茯苓	去黑皮	
右為粗末每服三錢匕水一盞煎取七分去滓入酒少許溫服不拘時候						
芍藥湯	治產後虛乏不思飲食四肢疲倦心腹陣痛					
補虛治氣						
當歸	一兩半	人參	肉桂	生薑	後入	
甘草	炙各一兩	芍藥	兩一			
右為末每服三錢水二盞入棗二枚煎至一盞去滓						



溫服日三次

定痛散 治產後惡血不止腹內熱痛不可忍及兒枕未定

當歸 切 焙 芍藥 各二兩 桂心 一兩或以川芎代之

右為末每服二錢水酒共一盞生薑一塊彈子大拍破同煎至六分去滓溫服

夫人生產自有時候痛不甚者名曰試痛宜須強行熟忍宜食軟飯若食飯不得即宜食粥及飲蜜漿勿令飢

欽定四庫全書 產育寶慶集 卷下

渴恐產婦無力困乏若經時不產進通靈散一服若生畢暖少許醋墨與呷以童子小便調七寶散一服心中自然開爽不住燒磚石以醋沃之直至七日要令產婦鼻中常聞醋氣宜燒茅香白朮皂莢等物慎勿令見穢惡若產訖忽覺心中昏悶或眼花如在舟車中即是血暈急須服牡丹飲子黑神散

通靈散 催生

用蛇蛻皮一條全者緊捲以蚯蚓泥裹燒黑近藥

處泥些少用不妨細研為末每服一錢溫酒調下又方 治產後惡血不下兒枕不散小腹疼痛

細墨 濃研半盞 好醋 半盞 沒藥 一分

右用童子小便少許同煎五七沸溫服不拘時候七寶散 治初產後勻血和氣補虛壓驚悸

硃砂 研如粉 桂心 乾薑 炮 當歸 切 焙 川芎

人參 羚羊角灰 茯苓 各等分

右各杵為細末若產婦平和三臘以前直至滿月每

欽定四庫全書 產育寶慶集 卷下

日各取一字匕以羌活豆淋酒調下空心服若覺心胃煩熱即減薑桂冷即加之腹痛加當歸心悶加羚羊角心中虛氣加桂不下食或惡心加人參虛戰加茯苓以意斟酌日二夜一服不飲酒者以童子小便溫調下

牡丹引子 方缺

黑神散 防暈備急

驢護肝不計多少以桑柴火燒以刀刮取黑煤更



刮令盡研細入真麝香少許如纔產了及覺血上衝
心暈悶取一錢以熱酒和童子小便調下
薑粉散 纔產服此藥盡盡兒枕除百病源
當歸 官桂 不得見火 人參 茯苓 甘草
芍藥 知母 川芎 大黃 畧炒 黃耆 木香
草豆蔻 白朮 訶子 高良薑 青橘皮 去瓢
熟地黄 少許
右除地黄外各等分焙乾次用附子一箇中樣半兩
者炮製入衆藥生薑一片研取自然汁於碗器中停
留一食久傾去清汁取下面粉脚攤在蒻葉中入焙
籠焙乾共合地黃搗羅為末纔產後用末三錢水一
盞薑三片棗一箇擘開同煎至七分乘熱喫喫後自
然產母睡著半日以來睡覺再服全除却腹痛一日
只可三服至九服不可多服肚中冷也
當歸血竭丸 治婦人產後惡物不下結聚成塊心曾
痞悶臍下堅痛

欽定四庫全書



產育寶慶集
卷下



迪志文化出版有限公司出版

當歸 剉炒 血竭 蓬莪朮 炮 芍藥 各二兩
五靈脂 四兩
右為細末醋麪糊丸桐子大每服四十九溫酒下或
溫粥飲下空心食前服
烏金散 治產後諸疾
紅芍藥 川當歸 乾薑 蒲黃 甘草
熟乾地黄 各一分
右各為末別用黑豆一合炒令香熟去皮除蒲黃與
餘藥共杵為細末於銀器中漫火炒紫色後入蒲黃
如產後別無疾每日服一盞豆淋酒調下更不生諸
疾若稍有不安服即愈如產後血逆心悶腹搗痛一
兩服立止
血竭散 治產後百疾
血竭 沒藥 碎 翦
右等分輕手研細頻篩再研取盡為度每服二錢用
小便合細酒半大盞煎一沸溫調下纔產下一服上

欽定四庫全書



產育寶慶集
卷下



迪志文化出版有限公司出版

床良久再服其惡血自循下行更不衝上免生百疾
保安丸 治產前產後三十六種冷血氣半身不遂手
脚疼痛諸疾並宜服之

赤茯苓 皮去 牡丹皮 白芍藥 分各三 吳茱萸

沉香 分各一 人參 蘆去 當歸 焙洗切 桂 皮去

牛膝 浸酒 香白芷 木香 蘘本 蘆去 麻黃 節去根

川芎 附子 皮炮去臍 細辛 淨揀 蘭香葉 甘草 剉炙

寒水石 燒 防風 蘆去 桔梗 蘆去 蟬殼 去足翅各半兩

馬鳴退 炙一兩 生乾地黄 兩一

右為細末煉蜜為丸如小彈子大每日空心用溫酒
化下一丸療八風十二痺痼瘕乳房中風淋血積聚
并治胎不安子死腹中不過三丸可下死胎生衣不
出一丸便效產前產後痢并赤白帶下及嘔逆填心
疾氣煩滿一丸差產後或產前腹中疼痛遶臍下如
刀刺相似一丸便止盡難月可日一服至產不覺疼
痛產前傷寒中風體如板煎麻黃湯化下一丸立效

欽定四庫全書

產育寶慶集
卷下

經脉不通或頻併或赤白喫食無味痠惡乍寒乍熱
面赤唇焦手足煩疼遍身黑點血斑一切病眼此藥
悉愈每一丸細嚼宜空心溫酒送下

二聖散 治產前安胎產後惡血不盡及胎衣不下

羌活 川芎 分等

右為細末每服二大錢酒少許水七分沸調溫服

方 治產後血痛如刀刺

熟乾地黄 橘皮 分等

右為末每服一錢粥飲調下尋常痛發可常服

方 治產後頭痛 大全良方作奇散

大川芎為末每服二錢水一盞煎至七分溫服立

差

方 治產後欬逆

石蓮 十箇炒熟 丁香 十箇

右為末用米三合煎十沸溫服

方 治產後欬逆不止

欽定四庫全書

產育寶慶集
卷下



狗膽一箇

硃砂

丁香

五靈脂

各少許

右為末以狗膽丸如白豆大每服一丸生薑水磨下

方 治產後小便不通

右用蔥爛搗蜜調以紙花貼臍下

若三日後覺壯熱頭痛此是乳脉行即進玉露散二服

或大小便秘澀或發寒熱頭痛四肢如碎此是蓐勞或

產後大渴胎損吹妳欬嗽別生他疾及帶起宿患亦宜

檢尋別方治之月內不宜多笑強起離床行或作針線

欽定四庫全書



產育寶慶集
卷下

運動恣食生硬不避風脫衣洗當時雖無大損滿月後

或成蓐勞手脚及腰腿酸重冷痛骨髓間颼颼如風吹

縱有明醫卒不能療大都產婦將息須是百日方可平

復大慎犯觸因此多致身體強直如角弓反張名曰蓐

風遂至不救小可虛羸失於將補便成大患終身悔不

及矣慎之慎之

玉露散 治產後乳脉行煩熱或大腸滯澀肌體疼痛

涼膈壓熱下乳



迪志文化出版有限公司出版

茯苓人參

甘草

各半兩

桔梗

白芷

川芎

各一兩

川大黃

當歸

炒各一分

芍藥

三分

右為末每服二平錢水一盞煎至七分溫服日三若

臟腑洩瀉即除大黃

湧泉散 下妳

川山甲

半兩醋浸炒令輕空

脂麻

退皮一合

胡桃

二箇敲去殼湯浸去皮

肉豆蔻

麪包火內炮令焦去麪不用

增損四物湯 與十便良方同云治產後乍寒乍熱無

欽定四庫全書



產育寶慶集
卷下

他痛處者陰陽不和只無人參

當歸芍藥

人參

川芎

乾薑

各一兩

甘草

四錢炙

右為末每服二錢水一盞生薑五片同煎至六分去

滓微熱服不以時

若產後四肢安和亦不用多喫酒藥緣氣虛禁持未得

却多昏眩惟飲童子小便無妨且勿平身側臥夜常須

一人看承令豎起兩膝卧睡即須頻喚覺虛羸困乏即



迪志文化出版有限公司出版

空心進理中丸七寶散七日外恐喫粥無味或虛乏無力即爛煮羊肉汁黃雌雞汁作粥未可喫肉亦不可喫生及硬物便成積滯之患常以黑豆一升炒令烟出以酒五升澆淋入羌活一兩槌碎同浸常用此酒下藥或時飲一盞大辟風邪令諸疾不生

理中丸

方缺

七寶散

見前

方 治小兒傷食吐不止

欽定四庫全書

產育寶慶集
卷下

丁香

一十粒

巴豆

一箇不出油只用殼

礞砂仁

五箇

大烏梅

一箇

右為細末丸如黍米大每服二三丸煎藿香湯下乳

後服

經氣調治法

論曰經候者經脉之常候血氣運行恒久之度也陰陽愆伏則月候失常以致太過不及乍多乍少或前或後陰氣乘陽胞寒氣冷血不運行故乍少陽氣乘陰血熱

流散故乍多陰過於陽則期前來陽過於陰則期後至久則或崩漏不止斷絕不行至使面色不澤臍腹時痛久不治之漸至虛損令人斷產漸生他疾此皆由衝任虛弱榮衛不調之所致也婦人賦柔弱之質易感易傷氣以榮養之血以滋潤之氣行則血隨而行氣滯則血凝而室當調其陰陽順其血氣一有偏勝則經候不調百病生矣可不慎哉

滋陰丹 養血和氣理治榮衛充盛肌膚活血注顏久

欽定四庫全書

產育寶慶集
卷下

服大補衝任調順月經

熟乾地黄

生乾地黄

人參

白茯苓

各二兩

黃耆甘菊花

枸杞子

丹參

柏子仁

炒

白芍藥

各一兩

右為細末煉蜜丸如桐子大每服五十九丸米飲下空

心食前日進二三服

沒藥丸 治婦人本經不調肌瘦發熱飲食減少

沒藥

芫蔚子

乾薑

蒼朮

川芎



熟乾地黄 白芍 當歸 各一兩 血竭 半兩

右除血竭沒藥外咬咀先炒茺蔚子焦黃色次下乾薑炒令黃次下蒼朮微黃色次下川芎等藥並令微黃色與血竭沒藥等同為細末醋煮麪糊為丸桐子大每服五六十丸漸加至八九十九空心食前溫酒或醋湯亦得日進二服

地黄膏子 治婦人本藏血氣衰乏困倦無力或發困熱飲食減少並宜服之

欽定四庫全書 產育寶慶集 卷下

熟地黄 八兩 淨蜜 十八兩

右將熟地黄為末同蜜熬成膏子丸桐子大空心食前每服四五十丸溫酒下米飲亦得或作膏子酒化服不飲酒白湯亦得

八珍散 調和榮衛理順陰陽滋血養氣進美飲食

人參 川芎 白芍藥 熟地黄 當歸 茯苓

甘草 炙 縮砂仁 各等分

右為粗末每服三錢水一大盞生薑七片棗三枚去

核同煎三五沸去滓放溫空心日進二服

萬病丸 治婦人久虛血氣衰少怠惰嗜卧飲食不進肌體瘦悴精神不足 十便良方名滋陰萬病丸鄭汝明產經名內補丸

熟乾地黄 當歸 各四兩

右為細末麪糊為丸如桐子大空心食前每服五十九溫粥飲下

大保生丸 調和本氣治療諸疾滋補榮衛久服之大有效效

欽定四庫全書 產育寶慶集 卷下

人參 藁本 白茯苓 當歸 赤石脂 白朮

生乾地黄 白芷 延胡索 肉桂 去皮 白芍藥

白薇 川芎 甘草 炙 沒藥 牡丹皮 各半兩

右為細末蜜煉為丸彈子大空心食前每服一丸溫酒化下

六神湯 治脾氣不和榮衛不足怠惰困倦不嗜飲食服之補真養氣進食充肌

當歸 熟地黄 川芎 地骨皮 黃耆



白芍藥 各一兩	
右為粗末每服五錢水一盞半煎至八分去滓空心溫服	
當歸沒藥丸 治婦人真氣虛憊血氣極少不能榮養致使經氣不來或發寒熱飲食減少怠惰嗜卧以致勞虛	
當歸 剉炒	沒藥
蒼朮 剉炒黃	天仙子 剉炒黑
熟乾地黄 川芎 芍藥 各等分	
右為細末麪糊為丸如桐子大每服五十丸溫粥飲下食前服	
活血散 治衝任氣虛經事不調或多或少或前或後並皆治之	
當歸	川芎 白芍藥 柴胡 各四兩 肉桂 去粗皮二兩
右為粗末每服五六錢水一盞半煎至七分去滓稍熱食後服	
洗洗丸 治衝任不和子藏怯弱或經墮胎後氣不復	

此藥常服調和衝任氣血	
當歸	熟地黄 各一兩 延胡索 澤蘭葉 各一兩半
川芎	赤芍藥 白薇 人參 金釵石斛 各一兩
牡丹皮 一兩	
右為細末醋麪糊為丸桐子大每服五十丸空心溫酒下或粥飲亦得	
加味四物湯 治婦人衝任不調臍腹疼痛月事入時不來及衝任太過致使陰陽不和或發寒熱減食飲欲成勞病	
當歸	地黄 芍藥 川芎 各一兩 柴胡 半兩
黃芩 二錢半	
右咬咀服食依前法	
地髓煎丸 治婦人經氣不調虛煩發熱肌體瘦悴形羸弱困飲食不進欲成勞病	
熟乾地黄 不計多少	
右為末蜜煉為丸桐子大每服五十丸空心食前溫	



粥飲下

當歸地黃丸 治婦人血氣不和月事不勻腰腿疼痛

當歸 熟地黃 川芎 白芍藥 各二兩

牡丹皮 延胡索 各一兩 人參 黃耆 各半兩

右為末煉蜜和丸桐子大每服三十九粒飲下食前

日二服平養氣血

滋血湯 治婦人皮聚毛落心肺俱損血脉虛弱月水

愆期益氣養血調進飲食

欽定四庫全書 產育寶慶集 卷下

人參 白茯苓 皮去 熟乾地黃 川芎 當歸

白芍藥 黃耆 乾山藥 各一兩

右為粗末每服五錢水一盞半煎至一盞去滓溫服

滋榮丸 治婦人本經衰弱愆期不來及有血結成塊

臍下堅硬疼痛不消並宜治之

熟乾地黃 人參 五味子 赤芍藥 當歸

遠志 去苗 白茯苓 皮去 牡丹皮 桂心

藁本 各一兩 防風 卷柏 細辛 山藥 各半兩

白朮 三錢

右為細末鍊蜜和丸桐子大每服三十九粒食前空心

溫酒下日進三服

當歸良薑散 補養血氣去心腹疼悶脇肋脹滿經絡

不調或赤白帶下腰脚疼痛一切痼疾

高良薑 五兩 厚朴 二兩去皮薑製 當歸 二兩 桂 去皮二兩

右為粗末每服二錢水一盞艾十葉同煎至七分去

滓食前熱服

欽定四庫全書 產育寶慶集 卷下

抽刀散 治婦人心中腹脇肋疼痛不忍產前後亦用

川烏頭 炮去皮臍 牡丹皮 芍藥 乾薑 炮

桂心 沒藥 當歸 各等分

右為細末每服二錢熱酒調下不過三服輕可一服

產後加紅花

禹餘糧散 治氣血傷衝任虛損崩傷帶漏久而不斷

或下如豆汁或成片如肝或五色相雜或赤白相兼臍

腹冷痛面體痿黃心忪悸動發熱多汗四肢困倦飲食



減少

禹餘糧淬 醋 伏龍肝 赤石脂 白龍骨

牡蠣 烏魚骨 桂去 皮 浮石各 等 分

右為末每服三錢煎烏梅湯調下食前服白多加牡蠣龍骨烏魚骨赤多加赤石脂禹餘糧黃多加伏龍

肝桂心隨病加治

禹餘糧丸 治婦人諸疾方

桂去 皮 禹餘糧燒 醋 淬 龍骨 人參 紫石英

欽定四庫全書 產育寶慶集 卷下

川烏頭 桑寄生 杜仲去 皮 炒 五味子

遠志去 心 澤瀉 當歸洗 切 焙 石斛去 根 菝葐

乾薑各 二 兩 川椒去 目 炒 出 汁 牡蠣燒 甘草炙

右為末煉蜜為丸桐子大每服二十九丸米飲下漸加

至三十九日三服

五聖散 調益榮衛滋養氣血治衝任虛損月水不調
臍腹疼痛崩中漏下血瘕塊硬發歇俱疼妊娠宿冷將
理失宜胎動不安血下不止及產後乘虛風寒內搏惡



迪志文化出版有限公司出版

露不下結生瘕聚少腹堅痛即作寒熱

當歸 熟乾地黄 川芎 白芍藥各 一 兩

生乾地黄三 兩

右為末酒煮麪糊為丸桐子大每服六七十丸食前
溫酒送下

延齡護寶丸 治婦人血藏虛損經候過多每行時暴

下不可禁止因成崩中連日不斷致五臟空虛失色黃

瘦崩竭暫止日少復發不耐動搖小勞輒極劇此藥但

欽定四庫全書 產育寶慶集 卷下

燈心服大有效

禹餘糧石二 兩 燒 醋 淬 七 遍 龍骨 人參 桂

赤石脂 紫石英研 熟地黄 杜仲去 粗 皮 剉 碎

桑寄生 續斷 香白芷 芎藭 當歸剉 炒

遠志去 心 金釵石斛去 根 剉 炒 白茯苓去 皮 阿膠炒

牡蠣 五味子 艾葉各 一 兩

右為末煉蜜為丸桐子大每服四五十丸溫粥飲下
空心食前服



迪志文化出版有限公司出版

必效散 治婦人本經不調及崩漏不止

櫻皮 燒 木賊 二兩去節燒灰存性研細 麝香 一錢

右為細末每服二錢食前溫酒調下

方 治內損吐血

飛過麪不計多少微炒過濃磨細墨一茶脚調下

二錢立效

方 治非時吐血

刺芥連根洗淨搗汁半盞飲之

欽定四庫全書 產育寶慶集 卷下

又方

生地黃自然汁一盞槐花揀淨一兩用地黃汁炒槐

花候地黃汁盡花乾每用三五十粒細嚼之

又方

新綿半兩燒令存性分二服濃煎人參湯調下

靈寶散 治血氣刺痛引兩肋疼痛及瘰癧刺氣

丁香 一錢半 木香 一錢半 乳香 一錢半 當歸

延胡索 白芍藥 各半兩

右為末每服一錢溫酒調下食前服

烏金散治血崩漏下最治產後血崩并小產血崩漏下

櫻櫚皮 烏梅 乾薑 燒灰存性各等分

右為末每服二大錢煎烏梅湯調溫服不以時

旋覆花丸 治停痰積飲在脇下久而不愈漸成大癖

心腹脹滿羸瘦不能食食不消化喜睡乾嘔大小便或

澀或利在腸中搖動有水聲或口乾好飲水漿兩脇症

痛服之必安久服除根

欽定四庫全書 產育寶慶集 卷下

旋覆花 去莖 桂 去皮 枳實 去瓢炒 人參 各一兩

乾薑 炮 芍藥 白朮 各一兩一錢半 赤茯苓

狼毒 川烏頭 炮去皮 礬石 燒赤各一兩七錢半

芫花 醋浸乾 吳茱萸 湯浸去滑 橘皮

細辛 去苗 大黃 微炒 黃芩 去黑心 厚朴 去皮生薑製

葶藶 隔紙炒各七錢半 甘遂 炒半兩

右為細末煉蜜和丸桐子大每服一十九至二十九

不拘時候



妊娠調養法

螽斯丸 治婦人無子術金城太守范羅謙上臣驗此

術若服藥四十日無子請戮臣一家以令天下醫人又

名賜子丸

陳無擇三因方作秦桂丸施圓端效方作白薇丸

附子

生去皮臍

白茯苓

去黑皮

白薇

去粗皮

半夏

湯洗七次

杜仲

去粗皮

桂心

秦艽

厚朴

去粗皮各三錢

防風

乾薑

生

牛膝

沙參

各二錢

細辛

去苗半兩

人參

四錢

欽定四庫全書



產育寶慶集卷下

右為細末煉蜜丸如小豆大日服五十丸空心任下

如覺無益稍加丸數為度如服七日後陰陽覺有娠

三日後不可更服臣妻年二十七歲無子服此藥有

娠又殘藥與前太子中舍宇文妻李氏年四十歲無

子服此藥十三日有娠此藥名螽斯丸屢用屢驗此

方不可不廣與人如夫不在家不可服

凡女人妊娠若素虛羸血氣不足體中有風氣心下多

痰水者欲有胎喜病阻其狀顏色如常脉理和順但覺

肢體沉重頭目昏眩不思飲食惡聞食氣多噉酸中

心憤懣不知患之所在以至三四月以後則大劇吐逆

不能勝舉如有此證則宜服療阻病竹茹湯人參散地

黃丸

竹茹湯

方缺

人參散

治初娠惡食嘔逆

人參

一兩

枳殼

三分麩炒去鬲

厚朴

薑汁塗炙

甘草

炙各半兩

右為粗末每服四錢水一盞半入生薑彈子大一塊

欽定四庫全書



產育寶慶集卷下

拍破同煎至七分去滓溫服不拘時候

地黃丸

方缺

夫妊娠藏氣皆擁關節不利切不宜多睡食粘硬難化

之物亦不須亂服湯藥大慎鍼灸惟須數步心神不得

悲憂驚恐負重振動若覺胎臟不安腹中微痛心意煩

悶四體昏倦宜服安胎順氣阿膠散近產月即服順胎

保安散千金丸

阿膠散 治妊娠不問月數深淺因頓仆胎動不安腰



腹痛或有所下或胎奔上刺心短氣

熟乾地黄

二兩切

艾葉

切焙黃

當歸

切焙

甘草

炙

芍藥 川芎

阿膠

炙令燥色各一兩

黃耆

若虛羸加至一兩

右為末每服四錢水一盞半煎至八分溫服若胃中

冷逆氣加生薑五片棗五枚同煎服

保安散 治妊娠胎氣不安心腹疼痛

當歸

一兩半切焙

人參

一兩

阿膠

炙令燥

甘草

炙各半兩

右為末每服三大錢水一盞半入蔥白一莖拍破煎

欽定四庫全書



產育寶慶集
卷下

至八分去滓食前溫服未定再服

千金丸 治產前後一切風冷血氣等候產前胎氣不

安腰腹多疼四肢昏倦妊娠臨月預合下每日空心一

服臨產五藏不痛易產蓐中不生諸疾兼治產後惡血

不盡及胎衣不下憎寒壯熱吐逆煩悶皮膚虛腫或血

暈狂迷眼見神鬼能補勻血氣

金釵石斛

別搗為末

秦艽

去子

川椒

微炒

細辛

防風 貝母

麴炒黃

熟乾地黄

切焙

糯米



迪志文化出版有限公司出版



迪志文化出版有限公司出版

甘草

炙各一分

當歸

切焙

大麻仁

黃芩

乾薑

炮

大豆藥

以黑豆生芽長二寸焙乾用各三分

石膏

半

右精擇為末以蜜煉成劑入白中杵一千下分為七

十二丸擇除破天德月德日合每服一丸溫酒調下

產後產前赤白帶下溫酒嚼下產前後血氣薄荷湯

嚼下月信不通當歸酒下臨產艱難或三五日難產

及胎衣不下子死腹中橫生倒產死絕不語但心頭

有熱氣用藥一丸京棗湯研化灌之下喉立差產後

欽定四庫全書



產育寶慶集
卷下

惡血不盡臍腹疼痛嘔吐壯熱憎寒煩悶月候不調

或少肢體虛怠皮腹浮腫產血不止虛勞中風口噤

不語半身不遂產前後赤白痢大小便秘澀血暈狂

語頭痛面色痿黃漸成勞瘦飲食無味並溫酒研下

一丸產前臨月每旦一丸至臨產用當歸酒下一兩

丸催生五藏不痛易生

救生散 安胎益氣易產

人參

半兩

訶子

濕紙裏煨令熟去核

白朮

剉炒黃

陳橘皮去白炒

大麥蘖炒黃

神麴細剉炒黃各半兩

右為末每服二錢水一盞煎至六分空心溫服入月

加一倍水二盞煎一盞溫服能令兒緊小乳母無患

十月厥陰行令地氣不收冬氣不藏萬物反生時有濛

霧人病關閉不禁心痛陽氣不收氣嗽孕婦多暴死忽

墮胎之病宜服暖肝藥以治之治婦人胎動不安方無

問太歲但寅申年十月頻有濛霧淒清之化孕婦有胎

動不安之病宜進後方

欽定四庫全書



產育寶慶集
卷下

方

人參分一

防風分一

當歸分一

五味子分一

白朮分一

續斷分一

川芎兩半

桑寄生分三

甘草三銖

細辛三銖

右為末每服一錢水一大盞煎至七分空心去滓服

方 治妊娠患時疾

黃芩

尖如錐者

鬱金

各一兩

右為末每服一錢板藍根地黃水下汗出效未得汗

再服即瘥夏子益衛生十全方內有白朮一錢

石脂散 治妊娠瀉痢

赤石脂六錢

乾薑四錢

糯米一合炒黃

右為細末分為二服水二盞煎至一盞食前溫服

戊巳丸 治泄瀉水穀不分謂之飧泄方原缺

欽定四庫全書



產育寶慶集
卷下

